



Djel. Br: 01-504/26
Sarajevo, 27.2.2026. godine

Na osnovu člana 108. stav 2. tačka a), a u vezi sa članom 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24), člana 7. Stav 1. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18) i člana 120. Pravila Javne ustanove Srednje Škole za tekstil, kožu i dizajn Sarajevo, Školski odbor, na sjednici održanoj dana 27.2.2026. godine donosi:

O D L U K U
o raspisivanju Javnog konkursa za izbor
direktora/direktorice Srednje škole za tekstil, kožu i dizajn Sarajevo

Član 1.

Raspisuje se javni konkurs za izbor i imenovanje direktora/direktorice Srednje škole za tekstil, kožu i dizajn Sarajevo, na mandatni period od 4 (četiri) godine.

Član 2.

Kandidat za direktora dužan je ispunjavati opšte i posebne uslove predviđene Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24)

Član 3.

Rok za podnošenje prijave je 15 (petnaest) dana od dana objavljivanja konkursa.

Član 4.

Obavezuje se sekretar Srednje škole za tekstil, kožu i dizajn u Sarajevu da sačini tekst javnog konkursa u skladu sa relevantnim zakonskim i podzakonskim aktima..

Član 5.

Konkurs će se objaviti najdalje do dana 04.3.2026. godine na web stranici Ministarstva za odgoj i obrazovanje Kantona Sarajevo, te u dnevnom listu „Oslobođenje“.

Član 6.

Školski odbor obavezan je u roku od sedam dana od dana zatvaranja javnog konkursa za izbor direktora preuzeti, otvoriti, pregledati zaprimljene prijave i utvrditi listu kandidata koji ispunjavaju uslove javnog konkursa.

Nakon utvrđene liste kandidata koji ispunjavaju uslove javnog konkursa, na istom sastanku, Školski odbor razmatra prijave i priložene razvojne planove i program škole za mandatni period, te nakon razmatranja, utvrđuje listu za obavljanje intervjua sa kandidatima koji ispunjavaju uslove javnog konkursa u skladu sa kriterijima člana 5. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18), u daljem tekstu: Pravilnik.

Nakon provedene procedure izbora direktora na osnovu člana 8. Pravilnika, Školski odbor glasanjem donosi odluku o izboru najbolje rangiranog kandidata za imenovanje direktora škole, nadpolovičnom većinom (tri člana) ukupnog broja članova Školskog odbora.



Školski odbor je obavezan u roku od 10 dana od dana izbora direktora Ministarstvu dostaviti Odluku o izboru direktora, kopije zapisnika i kompletnu dokumentaciju izabranog kandidata na dalju proceduru.

Član 7.

Odluka stupa na snagu danom donošenja.

O b r a z l o ž e n j e:

Javni konkurs za izbor i imenovanje direktora škole raspisuje Školski odbor u skladu Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24) i Pravilnikom o izboru, kriterijima za izbor, nadležnostima i radu direktora srednjih škola („Službene novine Kantona Sarajevo broj: 46/18). Procedura za izbor i imenovanje direktora se pokreće najmanje tri mjeseca prije isteka mandata na koji je imenovan dosadašnji direktor, odnosno najmanje tri mjeseca prije završetka nastavne godine, ukoliko mandat direktora ističe u periodu juli-oktobar tekuće kalendarske godine.

Javni konkurs se obavezno objavljuje u jednom dnevnom listu i na službenoj internet stranici Ministarstva za obrazovanje, nauku i mlade. Tekstom konkursa moraju biti definisani: opšti uslovi predviđeni Zakonom i posebni uslovi, period na koji se vrši imenovanje direktora, rok za podnošenje prijave, te način obavješćavanja o rezultatima konkursa.

Školski odbor obavezan je u roku od sedam dana od dana zatvaranja javnog konkursa za izbor direktora preuzeti, otvoriti, pregledati zaprimljene prijave i utvrditi listu kandidata koji ispunjavaju uslove javnog konkursa.

Nakon utvrđene liste kandidata koji ispunjavaju uslove javnog konkursa, na istom sastanku, Školski odbor razmatra prijave i priložene razvojne planove i program škole za mandatni period, te nakon razmatranja, utvrđuje listu za obavljanje intervjua sa kandidatima koji ispunjavaju uslove javnog konkursa u skladu sa kriterijima člana 5. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18), u daljem tekstu: Pravilnik.

Nakon provedene procedure izbora direktora na osnovu člana 8. Pravilnika, Školski odbor glasanjem donosi odluku o izboru najbolje rangiranog kandidata za imenovanje direktora škole, nadpolovičnom većinom (tri člana) ukupnog broja članova Školskog odbora.

Školski odbor je obavezan u roku od 10 dana od dana izbora direktora Ministarstvu dostaviti Odluku o izboru direktora, kopije zapisnika i kompletnu dokumentaciju izabranog kandidata na dalju proceduru.

Shodno naprijed navedenom odlučeno je kao u dispozitivu.

**PREDSJEDNIK
ŠKOLSKOG ODBORA**

